

- 1.) **Naziv projekta i oblast:** Unapređenje zdravlja žena u generativnoj dobi i prevencija raka grlića maternice – prijedlog projekta dostavljen Federalnom ministarstvu zdravstva po Javnom pozivu za Projekt jačanja zdravstvenog sektora: Komponenta 3: Formulacija zdravstvene politike i podrška projektu; Podkomponenta 3.2: Inovativni grantovi /Prevencija bolesti i promocija zdravlja. *Financiranje projekta od strane Federalnog ministarstva zdravstva je odobreno u augustu 2013. i projekat se provodi do kraja januara 2014.*

Ovaj projekat tretira oblast prevencije karcinoma grlića maternice sa fokusom na ruralno područje općine Bihać, konkretno naselja Orašac i Kulen Vakuf koja su i medju najvećim mjesnim zajednicama na području općine. Ambulanta Orašac/Kulen Vakuf ima registrovanih 657 žena od 15 do 65 godina od čega 240 žena u generativnoj dobi. Glavni cilj ovog projekta jeste kampanja jačanja svijesti pogotovo mlade populacije u pogledu prevencije riziko faktora i edukacija žena o spolnom zdravlju što je i ključna komponenta svih nacionalnih programa za borbu protiv karcinoma. Namjera Doma zdravlja Bihać, koji sa svojim timom ginekologa i citotehničarima provodi ovaj projekat jeste uspostavljanje kontinuiranog preventivnog programa zaštite stanovništva ovog područja jer je ginekologija danas uglavnom orjentirana na liječenje bolesti a manjim dijelom ili gotovo nikako na prevenciju.





# Jedan pregled može vam **spasiti život**



Prema procjeni Svjetske zdravstvene organizacije u BiH godišnje oboli **258** žena od raka grlića materice, a **119** žena premine od ove bolesti.

**1,6 miliona** žena od 15 godina pa naviše potpadaju pod rizik raka grlića materice.

*Rak je izlječiv ako se na vrijeme otkrije!*